

重脩浙江通志稿

第九冊
地理

重脩浙江通志稿

第九冊地理

第四節 海岸

一 概說

海岸之利。曰漁。曰鹽。曰墾植。曰商務。曰交通。而設險亦屬重要。浙省沿海漁鹽墾植之利。自古已饒。就商務交通言。早興於秦代以前。秦置鄞縣於賀山。在今鄞縣東十八公里。舊志謂因海商貿易於此而得名。夫當時海商何自而來。非來自各海島及閩粵諸地耶。則海上早有交通。蓋可知矣。始皇東巡。留駐於鄞。至三十日之久。苟非因其貿易繁盛。何以憊憊至此。厥後漢武伐閩。越一軍下若耶。出句章浮海以南。可知航路久通。故水陸夾擊。非墾宜冒險比也。三國吳時。魏將王雅浮海入句章。大掠而去。五代吳越與淮南相攻。海道常為南運之所。明世倭寇為患尤烈。延及清季。寧波永嘉。沅因被連。通商而三門灣亦曾受覬覦。籌海固圉。刻不容緩。固不僅漁鹽墾植等之振興發展已也。攷浙省海岸。北起江蘇之金山衛。南迄閩邊之沙埕。以潮汐之消長。沙塗之漲坍。無恒全長若干里。殊難得其確數。約而言之。大概為千二百里也。自鎮海縣以北。多為沙岸。其南則半為巖岸。茲自北而南。分次敘述。而其間桑海變遷之處。亦附及焉。

二 杭州灣以北之沿岸

自江蘇金山衛迤西入浙江平湖縣境。曰白沙灣。西距縣治三十里。明洪武中

自廣陳鎮移巡司駐此嘉靖中築城為戍守處清代仍設巡司沿海二十餘里皆土塘迤西南為東司城為朱家墩朱家墩西北曰金公亭鎮民國二十六年冬日兵由此登陸松港還不守朱家墩西南曰蘆漚場署曰張家墩又西南曰獨山高百二十七尺屹立海濱其西麓西司城在焉東西司城相距二十餘里皆昔時設險處也西司城東有石塘約八里接於土塘再南曰梁莊山曰益山高六百一十一尺亦在海濱益山之西曰大山高一千一百八十九尺再西南曰騎龍山高一千又十八尺曰高公山高一千三百二十五尺再南曰裏浦山本為小島以沙漲而連於陸裏浦之東有小島三曰烏龜曰牛島曰外浦再東南為王盤洋有上盤下盤劈開無草一坵第五島東西分峙孤立於大洋之中總名王盤山東晉時猶連於平潮陸地不知何年淪於海今去陸地百餘里矣東浦島南西海中自北而南有盤卵小孟大孟蘇菜四島皆小島也自裏浦島而曰東常山曰陳山島高二千三百八十四尺西曰燈光山廟灣砲台在焉其西北即有名之乍浦城北西距縣治二十五里元至正時番舶悉萃於此明洪武中自故邑城移巡司於此築城建千戶所增置水寨為海道三關之一陸慶中廣海口激浦二關留乍浦一關轄水寨十四嘉靖三十二年倭寇據乍浦遂犯杭州清順治中廢千戶所置巡司及守備雍正中增設水師營游擊又移杭州

副都統及滿兵駐此。旋改游擊。設參將。為海疆重鎮。自乍浦西北至四顧橋入海鹽縣境。

海鹽沿岸皆土塘。海沙三鹽場在焉。自鹽場西南至海鹽縣城。南為石塘。約十五里。明初置海寧衛於海鹽。乍浦。澉浦。兩千戶所均隸之。自縣城而南約十餘里。復為土塘。有小半島。突出海中。曰秦駐山。水經注。秦始皇登以望海。故名。九州志。一名秦復山。秦始皇經此。美人葬於此。下有美人廟。故名。其南曰望虞山。舊經云。隔海可望會稽上虞。故名。今名楊柳山。山北海中有香山。白塔山。至元嘉禾志。山上有白塔。因名。舊有港通嘉浦。名曰白塔潭。海舟多泊焉。可知當時南與岸連。今則距岸數里矣。間有括異志。海鹽縣捍海塘。自縣去海九十五里。有望海鎮。歲久波濤衝溢。盡為海洋。別詳錢唐江變遷篇。二島東南海中。又有草鞋萬山。羊頭山。諸島在焉。秦駐山西南十里。曰澉浦。北東距縣治二十八里。其間皆為土塘。自唐五代宋元明以來。澉浦皆為重鎮。兼置權務。明洪武中築城。置千戶所。轄水寨十三。澉浦城東有青山。突出海中。弘治府志。澉浦之主山也。上置烽堠。東南有長塢山。亦突出海中。為半島形。宋常棠澉水志。秦始皇東游。登以望海。以其孤聳。望如長塢。故名。今名常山。青山長塢之間。有石塘約二里。澉浦南東曰葡萄山。高一千五百二十六尺。亦突出海中。名勝志。其山浸

在海中潮汐消長如葫蘆出沒故名。語云潮生潮退葫蘆自若可知當時此山尚在海邊今已半在陸地。滄海變為桑田與其東之桑田變為滄海者不同。長壩之南有石帆縣志云峙海中聳若挂帆故名。大巫子小巫子諸島葫蘆島之東西皆為土塘其南又有獅子山白鵝礁二島。激浦乍浦之間孫中山有建築東方大港之計畫茲引述如下。

此港計劃當位於乍浦岬與激浦岬之間此兩點相距約十五英里應自此岬與彼岬之間建一海隄而於乍浦一端離山數百尺之處開一缺口以為港之正門此隄海隄可分為五段每段各長三英里因現在先築一段長三英里洵一英里半已得三四方英里之港面足供用矣如商務長進可以逐段加築以應需用。前面海隄應以石塊或土敏土堅結築之其橫於海隄與陸地間之隄則可用沙及柴席疊成作為暫時建造以備擴張港面之移動。此港一經築成永無須為將來浚深之計劃此港近旁並無挾泥之水日後能填滿此港面及其通路者也。在杭州灣中此港正門為最深之部分由此正門出至公海平均低潮水深三十六尺至四十二尺故最大之航洋船可以隨時進出口故此計劃港作為中國中部第一等海港遠勝目前上海也。此計畫港之便利有三。一此為未開闢之地現畫城市發展實業皆有絕對

自由一切公共營造及交通計畫均可以最新利之方法建設之而無所牽掣。自來開闢之地政府收買之其價較廉第一段完成後此港發達地急速騰貴土地自身能發生利益可以償還以前收買之價而有餘。此計畫港兼有上海商港之優點更加以由鐵路以與大江以南各大都市相交通此港較之上海為近抑且如將該地通商與蕪湖間之水路加以改良則此港與長江上游水上交通亦比上海為近不待多年其繁榮即可與上海相埒將來且可發展至大如紐約者七最重要之要素

自漲浦而西又有群山突出海中在海鹽海寧之間曰高陽山高二十九百十二尺東曰東礬山屬海鹽西曰望夫山漲水志昔海商失期不返其妻登石盤望夫泣隕化而為石故名焉立烽墩其上屬海寧望夫山之西曰鳳皇山高一千五百八十二尺縣志形如翠鳳故名插立海中為海寧之水口其上舊有砲台其南曰石塘山更西曰大尖山高二千八百又十尺兩浙鹽法志山周十里其上高峯周一里建烽墩墩於其上曰小尖山高一千四百五十二尺皆突入海中與沿海之間皆有石塘護之望夫山與鳳皇山之南有松山蟹山二島鳳皇山南有父子島大尖山東南有紫竹山島大尖山之南對岸曰夏蓋山屬上虞縣双峯遙峙而水底實相聯貫其山根橫互海口之下儼若戶浪距水面

祇十二尺大潮汐因之而起故所謂尖山口實錢唐江之真正門戶江海之分界處也水陸通里記圖於紫竹山島之南有蟹子壘三字謂蟹子壘在此則大誤攷清統志蟹子壘在龜嶺二山間之龜山下有蟹子山名蓋由此龜嶺三山間久已淤為平陸則昔所謂蟹子壘者已不復存不得復在此也西人指此地為怒又名曰鑽怒者言大潮汐之起於此鑽者狀海水之陡降於十二尺之戶派也別詳潮汐篇

三 杭州灣以南之沿岸

杭州灣南岸起於上虞縣之夏蓋山山高二千又九十三尺縣志其形如蓋一名夏駕山相傳神禹曾駐於此上有龍潭能興雲雨四無依傍蓋本為海島以沙漲而在陸地者也嘉泰會稽志夏駕山在湖中其湖即名夏駕去海數里識書云夏駕山浮可遊甲中水穴今則湖已無有去海亦不止數里矣其西當曹娥江大曲之北曰澄海所明洪武中置所築城戍守再西在紹興縣境曰曹娥江口曰三江口明洪武中置三江所築城為戍守按吳越春秋范蠡乘舟止於三江之口三江者浙也浦陽也剡也蓋其時海面廣闊積沙未起錢唐江由西而東浦陽通錢清鎮山南而北剡溪通曹娥鎮山南而北同會於此故有三江口之名其後沙漲漸多錢唐江之出口愈移而東舊時浦陽江下流之西小江

亦愈移而東。以與曹娥江之下流相合而入錢唐江。仍名之曰三江口。又名宣港。今則曹娥江口之西。又有漲沙與西小江下流隔絕。於是三江口之名。又專屬於西小江下流矣。別詳浦陽江變遷篇。則屬於錢唐江南岸。而非屬於杭州灣也。自夏蓋山而東。為諸家塘。黃家埠。入餘姚縣。有廟山鎮。東南距縣治四十里。縣志即明之臨山衛也。洪武時置永樂時築城在廟山之上。故名。再東名曰三山鎮。西南距縣治三十里。縣志以蔡山破山金山三山並峙而得名。亦名濟山。所廟山鎮之北。有塘曰利濟。餘延而東。直達慈谿。三界利濟塘之北。復有塘。西曰老圩。東曰晏海。亦直達慈谿之界。沿利濟塘而東。硤台林列。蓋皆昔時墾殖處也。老圩塘之外。復有老新圩塘。其外更有新圩塘。蓋滄桑變易多矣。〔俗興志〕明永樂初海塘漸卻。沙壩坎起。因於舊海塘北增築新塘。以衛斥鹵。既而沙壩廣十餘里。咸化中稍為風濤壅決。復於海口築塘。曰新築塘。以斥地給竈民為鹽課。今餘姚縣北之海塘。西自澄海東達龍山。名曰新迂塘。蓋即新築之轉音也。

慈谿縣治北四十里。有觀海衛。〔明〕洪武中置城周三里。中有磨石浪港二山。在迎浪山之南。止高一千七百四十二尺。昔亦在海中。沙漲而連於陸者也。衛之西南有鳴鶴場。鹽課司在杜湖白洋湖北。今已廢。衛之西北當餘姚慈谿界上。

之洋浦海口有黃牛島島東方家浦口有銅鈔海王二島舊志所載更有大忌
小忌咸化群志下有暗礁為舟航往來所忌故名瓜誓桑嶼若果廟山諸島今
悉在陸地矣更東南有向頭山延祐四明志亦名西龍尾東望伏龍山龍頭以
東屬定海龍尾以西屬蕩輅二山捍海其中漲塗漸與山接古有海塘閘柱尚
屹然今亦在陸地之內此皆滄桑之變也

伏龍山屹立海濱東南距鎮海縣治四十里高二千八百二十一尺嘉靖縣志
伏龍山一名箬山首尾跨東西海蜿蜒如門西人海圖稱為大龍島其南有龍
山所城明洪武時築周三里屬觀海衛自伏龍山而東南有五桂今作五厓蟛
蜞蟹浦三島惟蟹浦島尚在海中其高一千二百五十五尺餘皆附於海濱蟹
浦島西陸上有蟹浦鎮宋代於此置戍東南距縣治二十五里舊為慈谿縣界
之鳳浦湖沈客湖白沙湖靈緒湖入海之口今悉湮塞自杭州灣南岸至此瀕
海皆淺沙入海甚遠惟蟹浦之海較深離岸一二里外水深在六拓左右若由
此登岸循海塘大道僅三十里即達鎮海縣治故守鎮海者恒以蟹浦為北路
要隘焉

鎮海縣城踞甬江入海口之北岸中葺輪舟可以入口上溯直達鄞縣城東北
倚招宝山咸遠綏遠安遠三砲台在焉吳策甬東山水古跡記他處見山有異

氣疑下有室故名嘉靖府志舊名候潮山以諸番入貢者多停泊於此因改今
名明嘉靖中集威遠城於其上以扼截海口與縣城相唇齒其東南峙一小山
高僅尋丈名昌國山縣志潮沙至此分流舟行可達昌國故名實則礁也括室
山東南與金鷄山隔江相對扼甬江門戶金鷄山高一千四百八十五尺平遠
砲台在焉金鷄山東北曰望海山一名笠山或作歷山高八百五十尺宏遠砲
台在焉北與西皆臨海自望海山望括室山為西偏南自括室山望金鷄山為
東偏南三山相對畧成三角形以護甬江之口括室山東北半海里曰虎礮山
高三百二十尺又有虎礮礁縣志以形似名又東北約三分海里之二曰小遶
山一名內遶山又東北約三四十丈曰大遶山一名外遶山高八百五十尺總
名曰遶山列島自括室山至大遶山約一海里餘三島之間沙道淺礁相屬實
為甬江口北之蔽護故輪舟進口必由大小遶山之南而大遶山南對望海山
約十分海里之三儼若口門口門中又有遶山淺礁故其水道甚狹遶山列島
之東約三海里當三山浦之西北有小島七三島在西曰蛟門中柱山最高者
七百四十四尺四島在東最大曰黃蟒山高八百六十四尺一名黃貓山縣志
作黃茅山西圍作壘人島總稱黃蟒山群島蛟門中柱山名勝志一名嘉門山
環鎖海口吐納潮汐古與虎踞並稱天設之險黃蟒山南至海岸僅半海里其

間曰戈門水道潮流甚急故輪舟往來均由黃嶠山之北馬大連山之北偏東約一海里又十分海里之三曰七里嶼為口外作標識之小島與虎蹲山均設有燈塔霧鍾以便航行以上皆環海之島嶼也

望海山之東麓為小洪江口再東曰鉗口門外有荷葉山小島再東曰渚山高一千又二十二尺曰老鼠山高一千二百二十八尺其北伸入海中與蛟門山相值為一石岬以上皆為巖岸自老鼠山而東南則為沙岸三山島高六百五十尺已連於沙岸其北有北偏島高五百二十三尺其南即三山浦為沿海要地自三山而東南南沙岸之內護以海塘西曰永安中曰萃豐東曰餘豐再東南曰穿山鎮明之穿山所也西北距縣治四十里縣志明洪武中建城周四里永樂嘉靖二代倭寇屢由此入犯其北設礮頭烽堠處北距定海縣之大榭島不足一海里再東有定海縣屬之外嶼島突入海灣之內其間水道尤狹再東復為海塘以達崎頭北角杭州灣南岸之極東處也崎頭角之外為崎頭洋穿山鎮與大榭島之間為黃崎港明代倭寇進犯常由崎頭黃崎登岸自崎頭至穿山僅三十餘里自穿山至縣城僅五十餘里自三山至縣城僅四十餘里鉗口尤近在咫尺清道光二十一年英兵艦於虎蹲山外攻鎮海口門復分兵自鉗口登岸搽金鷄山之後山上之兵腹背受敵遂至不守

四 象山港沿岸

崎頭山高四千五百又五尺，屹峙海濱，其引而東北者曰崎頭北角，引而東南者曰崎頭南角，即旗山也，高出海面二百十四尺，其外海洋曰旗頭洋，南有升羅島，為象港北口第一要衝，更西曰官山，一名福山，曰五桂山，皆為小島，甯甯所在，官山北西北距鎮海縣治五十五里，宋置甯甯驛，明洪武中置所，建城周三里，清廢所置千總分防，更西海中島嶼無數，最大者曰梅山，東西綿五十餘里，實合數島而成，其東之砲台山，高一千二百四十尺，盤崎山高一千二百七十六尺，其南之茅皇山高八百二十二尺，其西之烟墩岡，高一千五百七十三尺，在古皆皆島也，今其積沙猶有，向南擴張之勢，梅山之東有扑蛇、青龍二島，梅山之南有汀子山各島，隔汀子港而與定海縣屬之佛肚島相望，梅山北與大陸之間曰梅山港，多險難行，梅山西南曰孝順洋，縣志昔有漁者至此，忽思其親，故名，其中有群島曰洋沙山環列，洋沙礁獨鶴崎，洋毛崎，島邊礁各島而成群島，以非之大陸皆為沙岸，其西南當鎮海鄞縣交界，以南亦皆沙岸也，鄞縣與鎮海交界相近處有瓦嶼山，其南有黃牛礁，昔皆為島，今已在沙岸之中，黃牛礁之西曰大嵩港，水通小輪，西北達大嵩所，所倚鳳皇山，山麓西北距鄞縣治五十五里，縣志元置巡司於此，明洪武中建城周四里，倭寇往往入犯。

清雍正後以海防同知駐此更北與東錢湖通自大嵩港口而西南仍為沙岸有川站盤棋二島在橫山埠以外之海中更西南至鄞縣奉化界上曰橫山關舊砲台入奉化縣當松壘海中有島二東曰小立高八百二十二尺西曰大立高一千一百二十六尺西圖名小立島曰寧母拉特島大立島北曰湖頭渡明代於此設戍守清駐千總渡北曰塔山城元置山下塞設巡司明初改為塔山旋廢之清復置舊有祥嶺砲台在祥嶺山上高一千三百四十六尺今皆不存渡西突出沙岸之中者曰獅子山高一千三百四十七尺更西曰倒騎龍山高一千一百五十三尺亦突出沙岸之中與獅子山相抱而成灣倒騎龍之南曰黃藏頭高一千八百五十八尺亦突出沙岸之中自此轉西沿岸皆島嶼最東曰缸牌島面積較大亦作缸升又名江鵬高二千又四十四尺西南曰大對山小對山亦作大德小德本為二島已聯合為一小對之北曰橫欄外山北上大陸曰墻下潭潭西為應村城司司南曰仙人山舊有望台置其上高一千六百五十五尺本為海島今已連於大陸其西曰董公山上亦置有砲台今名望台山其南海中有二島北曰鳳皇山高一千三百三十二尺南曰懸山高一千七百六十一尺面積亦廣望台山西南當懸山之西曰桐照山更西南曰大潘山山南突起一周然入海亦名獅子山俗以其險謂之獅子口清宣統時意大

利軍艦曾至此。天門山島在其南，為其口門。西北屬奉化，東南屬象山，兩縣共之。一名書房山。自獅子山轉西北，為一大灣，然皆泥灘。最西為結崎山，結崎村在島更西南。曰阿隄灣，為象山港北岸之極西處。

自阿隄灣而南，有礁石三，俗呼三山，為奉化寧海分界處。與其東之双山礁石同在泥灘之中。入寧海境，仍為泥灘。東南有山角，東向入海，曰金畧山。一名東隄山。南曰鐵江口，濶八里，南北長二十六里，實為海灣。象山港極西南處也。口東曰獅子山，高二千二百又十尺。其北曰白象山，突出海中，為半島，而與其北之獅子山對峙。所謂白象嘴也。又東曰金山嘴，由南之小圓山分支。東北又轉向西北，與白象相抱，成灣。今灣內已多塗泥，無復灣之形狀矣。金山之北，正對天門山。由金山嘴而東南，為王墩港口，港長約三十里，濶約六里，向南深入。內通寧海縣城，水量較錢江為深，通行小汽船。港之東岸，純為泥灘。口門小島，點點曰分水礁，曰龜山，而以小普陀山為較大。西北對天門山東，為銅山島。又東北為青水門山，又東北為白石山。北屬奉化，西南屬寧海，東南屬象山。三縣共之。銅山與青水門之間，曰銅山門。青水門山與白石山之間，曰青水門。其西北則北岸之懸山島也。

象山縣西部，沿岸皆為泥灘。其初有西周灣，向東伸入，為紗山。島障其外，虎山

鳳皇山列其中。今則烏紗山已連於陸虎山。鳳皇皆在內地。而灣亦不復存矣。烏紗山高二千一百六十尺。東北曰王家塘山。高一千七百七十八尺。縣至而東曰東密山。高二千一百二十六尺。其間皆巖岸峭壁。臨水東密山。東南曰西塔嘴。與東北岸之東塔嘴對峙。相距二百四十餘丈。俗稱蛤蜊嘴。亦名蛟門。扼高泥港之門戶。兩嘴舊各築有砲台。以為控制港內北岸。距嘴四里有巖石伸入海中。曰老窰礁。與南岸貓頭山。高一千九百六十二尺。伸入海中之貓頭礁。相對岸嵌。全港為第二門戶。貓頭山東曰金夏山。高一千九百十二尺。突入海中。東北對羊角暗礁。為第三門戶。其南曰西湖港。面積約三十六方里。其形如甕。北岸負山而直。南岸帶沙而曲。有渡頭山。東曰陳山。東南曰黃溪。均通縣城。南曰牆頭渡。為通三門灣孔道。此港實為象山港最深曲險固之處。惜久失浚。深全港已淤十之八。僅留數小流。以資交通。將來如實行開闢。軍港非大加疏治不可也。自蛤蜊嘴繞高泥山。高三千二百二十三尺。而東北沿岸復為泥沙。棉花山。沙馬寮山。犬窟山。皆皆附岸之島。今皆在陸上矣。烏龜山在象山港中。流當棉花山之西。面積不大。為象山奉化二縣所共有。犬窟山之北曰後華山。高一千三百十二尺。北臨港水。其東仍為泥灘。有西澤渡。在西澤山。高一千八百四十八尺。北麓為北西通鎮海縣。橫山埠航路之起點。再東曰青蓮山。亦作

青甬高一千二百十八尺。其東西皆泥灘。昔與其東之鄭家嶼相抱成灣。今亦淤為平陸矣。再東北曰大石門山。高三百八十六尺。其外群島曰七星礁。數實有九。北之鵲礁最小而險。東之野龍島。高五百三十五尺。為最大。西南之裏門外門次之。野龍與大石門之間。曰大石門水道。象北漁舟多由此出入。其南近岸有外蜎蜎。裡蜎蜎二礁。亦七星中之小者。野龍之外。即孝順洋。大石門山為象山半島極北之處。折而東南曰黃沙塘。本為海灣。淤而成陸。其外島礁之著者曰圖礁。曰長礁。曰丁家山。曰球家山。曰活肚脐。曰鶯蛋礁。最東曰鶯頭頸。與其南之子門山相對。而成子門港。折而東南為一大灣。今已淤而成陸。灣東盡立海濱者。曰老虎嘴。為砲台山。北麓砲台山高一千七百六十五尺。其南錢倉所在焉。西南距象山縣治三十二里。縣志明洪武二十年建清廢所設兵防守。本由其西之海灣為出入海灣。既淤失其險要矣。砲台山東南曰長沙山。高一千六百五十三尺。其東北伸入海中。曰指戶角。象山港南岸之極東處。按象山港於清宣統二年政府派員考察。曾有開為軍港之議。然賓為本省最良之港。茲綜述其形勢并附以圖。

象山港環繞鎮海鄞縣奉化寧海象山五縣而定海縣之六橫島屏蔽其口。自六橫島之雙嶼港北渡旗頭洋至舟山。南渡孝順洋至象山。均不過四十